

Grupacija poslodavaca Tuzlanskog kantona, ul. Industrijska bb, 75350 Srebrenik
Tel. 061 899 606; Fax: 035 645 821; e-mail: ramiz.karic@dooherceg.ba

Broj: 01/2018

Datum, 27.03.2018. god.

Ekonomsko socijalno vijeće
za područje Tuzlanskog kantona
Tuzla

N/p Zamjenik predsjednika ESV g. Fahrudin Šahović, fahrudin.sahovic@hotmail.com
Sekretara ESV g. Arnele Bratovčić, abratovic@yahoo.com

Zakonom o porezu šumam, objavljenom u „Sl. novinama TK“, broj 7/2017 članom 49. stav 1. propisana je obaveza plaćanja naknade za općekorisne funkcije šuma u visini od 0,05% a od budžetske 2018 godine 0,04% ukupno ostvarenog prihoda za sva pravna lica koja su registrovana za obavljanje djelatnosti i imaju sjedište na teritoriji Tuzlanskog kantona (u daljem tekstu: Kanton) kao i dijelova pravnih lica čije je sjedište van Kantona a obavljaju djelatnost na teritoriji Kantona.

U cilju stavljanja privrednih subjekata u ravnopravan položaj sa ostalim pravnim licima registriranim za obavljanje djelatnosti na teritoriji Federacije Bosne i Hercegovine, Grupacija poslodavaca Tuzlanskog kantona kao organizacioni dio Udruženja poslodavaca Federacije Bosne i Hercegovine, pokreće

INICIJATIVU

za izmjenu i dopunu člana 49. stav 1. Zakona o šumama („Sl. novine TK“, 7/2017)

Kao sastavni dio ove Inicijative dostavljamo u nastavku dajemo Pregled kantonalnih zakona o šumama, pregled obveznika, stopa i osnovica u kojem je data komparacija i stanje u svih 10 kantona iz ove oblasti.

PREGLED

kantonalnih zakona o šumama, pregled obveznika, stopa i osnovica

Kanton: Unsko-sanski kanton

Zakon i primjena: Zakon o šumama (“Službeni glasnik USK”, broj 22/12), primjena od 18. 08.2012. godine

Obveznici: Pravna lica (izuzev javnih institucija, humanitarnih organizacija, udruženja i fondacija) i obrtnici

Stopa i osnovica: 0,07% na ukupan prihod ostvaren na području Kantona

Kanton: Posavska županija

Zakon i primjena: Zakon o šumama ("Narodne novine ŽP", broj 9/13), primjena od 28. 11. 2013. godine

Obveznici: Pravna lica (izuzev javnih institucija, humanitarnih organizacija, udruženja i fondacija) i dijelovi pravnih lica firmi izvan kantona

Stopa i osnovica: 0,015% na ukupan prihod

Kanton: Tuzlanski kanton

Zakon i primjena: Zakon o šumama ("Službene novine TK", br. 7/2017), primjena od 10. 05.2017. godine

Obveznici: Pravna lica (izuzev javnih institucija, humanitarnih organizacija, udruženja i fondacija) i dijelovi pravnih lica firmi izvan kantona

Stopa i osnovica: 0,04% na ostvareni ukupan prihod obveznika

Kanton: Zeničko-dobojski kanton

Zakon i primjena: Zakon o šumama ("Službene novine ZDK", broj 8/13), primjena od 26. 07.2013. godine

Obveznici: Pravna lica (izuzev onih koja zapošljavaju više od 50% invalidnih lica, korisnika državnih šuma, javnih institucija, humanitarnih organizacija, udruženja i fondacija) i dijelovi pravnih lica firmi izvan kantona

Stopa i osnovica: 0,07% od ostvarene godišnje dobiti

Kanton: Bosanskohercegovački kanton

Zakon i primjena: Zakon o šumama ("Službene novine BPK", broj 4/13), primjena od 14. 03.2013. godine

Obveznici: Pravna lica (izuzev javnih institucija, humanitarnih organizacija, udruženja i fondacija) i dijelovi firmi izvan kantona i obrtnici

Stopa i osnovica: 0,05% na ostvareni ukupan prihod obveznika ostvaren na području kantona

Kanton: Zapadnohercegovačka županija

Zakon i primjena: Zakon o šumama ("Narodne novine ŽZH", broj 8/13), primjena od 08. 05. 2013. godine

Obveznici: Pravna lica (izuzev javnih institucija, humanitarnih organizacija, udruženja i fondacije) i dijelovi firmi izvan županije

Stopa i osnovica: 0,07% na ukupno ostvareni prihod obveznika na teritoriji županije

Kanton: Kanton Sarajevo

Zakon i primjena: Zakon o šumama ("Službene novine KS", broj 5/13), primjena od 15. 02. 2013. godine

Obveznici: Pravna lica (izuzev javnih institucija, humanitarnih organizacija, udruženja i fondacija) i dijelovi firmi izvan kantona

Stopa i osnovica: 0,07% od ukupno ostvarenog prihoda obveznika, prema mjestu ostvarenog prihoda

Kanton: Kanton 10 Livno

Zakon i primjena: Zakon o šumama ("Narodne novine HBŽ", broj 4/14), primjena od 08. 04. 2014. godine

Obveznici: Pravna lica (izuzev korisnika državnih šuma, javnih institucija, humanitarnih organizacija, udruženja i fondacija) i dijelovi pravnih lica izvan županije

Stopa i osnovica: 0,07% ukupno ostvarenog prihoda obveznika

Kanton: Srednjobosanski kanton/Županija Središnja Bosna

Zakon i primjena: Zakon o šumama ("Službene novine SBK/ŽSB", broj 5/14), primjena od 17. 04.2014. godine

Obveznici: Pravna lica (izuzev korisnika državnih šuma, javnih institucija, humanitarnih organizacija, udruženja i fondacija) i dijelovi pravnih lica izvan kantona i obrtnici
Stopa i osnovica: 0,04% ukupno ostvarenog prihoda

Kanton: Hercegovačkoneretvanski kanton/županija

Zakon i primjena: Zakon o šumama - usvojen samo u fazi Nacrta

Obveznici: Pravna lica (izuzev korisnika državnih šuma, javnih institucija, humanitarnih organizacija, udruženja i fondacija) i dijelovi pravnih lica izvan kantona/županije
Stopa i osnovica: 0,07% od ukupno ostvarenog prihod

O B R A Z L O Ž E N J E

Iz naprijed navedenih činjenica nije teško zaključiti da su osnovice za obračun naknade za općekorisne funkcije šuma iste samo kod Posavskog, Srednjobosanskog i Tuzlanskog kantona dok su kod drugih kantona te osnovice znatno reducirane. Pa i kod ova dva kantona gdje je osnovica identična privredni subjekti sa područja TK su u neravnopravijem položaju.

Drugi veoma važan momenat koji ide u prilog ovoj našoj Inicijativi jeste i činjenica da je obaveza plaćanja naknade za općekorisne funkcije šuma najortodoksniiji višestapni namet jer svi učesnici u reprodukcijskoj cjelini imaju obavezu plaćanja naknade za općekorisne funkcije šuma u visini od 0,04% ukupno ostvarenog prihoda (znači i na direktne i indirektne troškove koje imaju privredni subjekti). Dakle ovakav namet kod određenog broja privrednih subjekata koji posluju sa tzv. „nulom“ može doprinijeti negativnom rezultatu (gubitku).

U ovoj inicijativi daje se primjer reprodukcijске cjeline koji je svojstvena području Tuzlanskog kantona a ogleda se u slijedećem: Javno preduzeće Šume TK siječe i prodaje oblovinu Pilani A (ima obavezu plaćanja naknade 1), Pilana A prerađuje oblovinu i prodaje prerađevine (dasku i ostalo) Sušnici B (ima obavezu plaćanja naknade 2), Sušnica B vrši sušenje i prerađevine prodaje Fabrici namještaja C koja od prerađevina pravi gotov namještaj (ima obavezu plaćanja naknade 3), Fabrika namještaja C prodaje gotov namještaj Salonu D koji prodaje namještaj krajnjem kupcu (ima obavezu plaćanja naknade 4), Salon D prodaje namještaj krajnjem kupcu (ima obavezu plaćanja naknade). Vidljivo je iz navedenog primjera, koji možda po prirodi stvari i ima kakve takve veze sa šumama, da se po istom osnovu naknada plaća 5 (pet) puta ali na ukupan prihod svakog od navedenih privrednih subjekata (dakle i na sve direktne i indirektne troškove koje ima svaki od ovih privrednih subjekata) koji su navedeni u primjeru, što samo po sebi predstavlja apsurd nad apsurdima.

Kada bi se navele druge reprodukcijске cjeline, koje nemaju direktne veze sa šumama, primjer bi bio još drastičniji.

Treća a po značaju vrlo bitna činjenica je da privredni subjekti sa područja Tuzlanskog kantona imaju obavezu plaćanja ove naknade za promete ostvarene na području drugih kantona i Brčko Ditrakta BiH.

Na osnovu svega naprijed nabrojanog kandidujemo ovu temu za jednu od tačku dnevnog reda prve naredne sjednice ekonomsko-socijalnog vijeća (ESV) te predlažemo da ESV usvoji slijedeći

ZAKLJUČAK

Ekonomsko socijalno vijeće za područje Tuzlanskog kantona, smatra da je Inicijativa Grupacije poslodavca Tuzlanskog kantona pri Udruženju poslodavaca FBiH za izmjenu i dopunu člana 49. stav 1. Zakona o šumama („Sl. novine TK“, 7/2017) opravdana i argumentirana, te predlaže Vladi Tuzlanskog kantona da pokrene postupak izmjena i dopuna Zakona o šumama na način da se u članu 49. stav 1. iza riječi prihoda dodaju riječi „na području kantona“.

Predložene izmjene i dopune stupile bi na snagu danom objavljivanja u „Službenim novinama Tuzlanskog kantona“.

Mi ovo smatramo značajnom stavkom koja opterećuje privredne subjekte koji su latentno u krizi, a danas bi se moglo reći u takvoj krizi koja mnogima prijeti nestanak, tim prije što privredni subjekti sa područja Tuzlanskog kantona najduže plaćaju tu naknadu počev od 11.08.2012 na osnovu Zakona o šumama („Sl. novine TK“, 9/2012 i 17/2013).

Ovo je posebno važno iz razloga što su privredni subjekti sa područja Tuzlanskog kantona sa ovim opterećenjem stavljeni u neravnopravan položaj u odnosu na privredne subjekte sa područja drugih kantona u FBiH, te smatramo potpuno opravdanim da se ova naša inicijativa prihvati i pokrene mjere u cilju realizacije iste, na čemu unaprijed zahvaljujemo.

S poštovanjem,



Predsjednik UO GP TK

Karić Ramiz